

之州邑志载亦班班可考率皆坍塌败坏莫为修举有司视官府为传舍百姓视道路为公物尔推我诿迁就因循习为故常毫不介意过往客商敢怒而不敢言有司百姓若罔闻而若罔见弊坏至此亟须挽回速即查明修理将地方经由之大道即令各地户于两旁沟内取土垫高沟既深通道亦平坦其崩陷者或令砌筑完整其崛突者或令锹镢铲平有涧壑溪流处所或叠土桥或安木筏有通津往来要道或砌马头或制舟楫所费甚属无多官可捐俸办理至善后成规务期永远弗替或责乡约稽查或劝令地方大户董理或造入交代册内令接手官员源源修理

一曰植树木以培土脉也查通衢大道车马往来难免蹂躏残缺雨水淋漓不无冲涮坍塌唯两旁有树间有损坏之处断无过甚之虞盖树木上有枝叶可以资其堰盖下有根茎可以藉其肥牢此项有益之举民间何乐而不为地方官漠不关心遂使荒凉万状行旅嗟吁除前已专檄飭种外合再为劝谕有司视种植之踊跃以覘民情本部院验树木之多寡定为殿最

一曰平坡阪以便车马也晋省绿山度岭道鲜坦夷而车马驮载难免颠蹶须详察坡阪之陡峻山路之崎岖阪有径直者则迂曲之以缓其势阪有急促者则削平之以宽其步有倚山而傍涧者则设木石以拦挡之有两旁空旷而下视深邃者则置栏杆以护卫之要使车马之驰如履平地行道之子如步康庄此不过一举手之劳即所费亦属有限而造无穷之福泐众口之碑轻重得失必有能办之者

一曰明赏罚以示劝惩也凡地方上公事一兴如前项开沟浚渠修桥种树各事不无需用民力之处本是一件寻常事体本分应行职业第因积玩成风疲弊已久民间视为创业遂有奸匪积蠹从中阻挠或藉端科敛分肥或因此推诿不前或擅称劳逸不均或藉口占地废稼此种情弊须当惩一儆百也务须实心化导好言劝慰并云系有益于尔等身家性命之务为尔永远基业之图与来去官府毫无相干然后敦请地方有德行之绅衿耆老人等剴切敷陈指授方略各令公举一人董理其事以专责成时常轻骑减从亲往察勘或犒以酒肉或赏以花红勤者奖励之

情者训诫之鼓舞作兴诰勉肫至宛如家人父子则民皆视如己事踊跃争先也

附碑文 3 碑阴：咸丰三年(1853)大东渠渠长高作宾对渠簿内容的解说

刻碑时间：咸丰三年(1853)秋。

规格：高 159cm，宽 65cm，厚 14.5cm。

存放地点：祁县贾令镇谷恋村关帝庙内。

咸丰三年秋渠长高作宾因念开渠至今二百余年剡渠筑堰遵照旧章历来不替惟有 抚院苏注朱渠帖县公汪铃印渠簿日就腐蠹诚恐久而漫灭废坠 先君子创始之功必思刻著于石庶几乃可永传因会同甲头等公议将渠帖渠簿并渠势渠图曲折始末嘱予逐次录明公同勒碑其有渠簿各程名下所载一张二字系剡渠筑堰之时每张出锹夫八名除二三四程无工水外合渠共锹夫七百一十二名至期渠长甲头等率众疏筑渠必深下堰必高厚定规八日为止如功不竣再按各程花名一张内从头至尾拨工不拘周数总以功成不泄水为主遇河有水甲头等率长锹由河顺水至头道水闸验渠长之地灌完顺水使下令长锹等沿渠上下巡查俾冲者塞之壅者通之该地户等必须上轮下使均不得横水滋事致犯渠规违者重罚不贷至于各程渠长甲头等每年上渠须按渠簿所载前辈之名各门挨次经理自是各程之事与渠上无干如所挨之人有害公不循合渠共驳着各程另择一人永不可使渠规紊乱此系合渠公事各宜一体遵循所有碑上镌刻经理人名适遇该年轮流并非永据其事此作宾等立石之意与创始之功善虽不同其归于治一也于戏莫为之前虽美弗彰莫为之后虽盛弗传前人创之于前后人述之于后旧事重新岂不伟哉故予乐书数语附之碑阴并示不朽云

监生高昭武书并绘图篆额

经理人 高作宾 高毓璞 高福来 高步森 高昭金 高克宇 高作喜 高锡璠 高锡烈 高锡鼎

元成石厂成光全 成光义镌

附碑文 4 祁县古县镇王贤村万圣寺内大雄宝殿坎墙上镶嵌的碑刻

刻碑时间：民国七年（1918）阴二月初八日

规格：高 59cm，宽 75cm。

存放地点：祁县古县镇王贤村万圣寺大雄宝殿左边坎墙上。

吾村公利渠自锹俸家与村中合管之后凡涉此渠之权利并一切办法当已立有条约以作证据第恐年代久远后人或忘此约之存在设有锹俸家未经立约之前典质与人立约之后乃欲回赎此中纠葛难免生不持平之争执于是村长村副召集渠头以及中证入等开会公议众谓打消此种顾虑惟有镌诸碑石可垂永久而资遵爱勒此石以为永记

后附合约

村长 王诰廷 村副 阎秉钧

经理 阎一相 王玘

渠长 王建鼎 曹天书 阎储峰 阎树声 阎豫贞

中华民国八年中秋月谷旦

立合约王贤村合村□照中阎裕珍等为村北渠道向经渠头等佣工□□创□前明讫今三百余年原日底据失落无稽且渠道拥塞不通屡欲行工整理实难凑款今央阎储峰阎集云与村长商酌垫款由村督办平分其利是出两愿绝无反悔自此以后应行工程村中与渠头各摊一半由村长督飭渠头修理所需款项村中先行垫出俟秋后每亩以二百五十文水利收毕除讫垫款所余若干村中与渠头按两股均分设有大工彼此商酌另行筹划其渠起名为公利渠所有渠头等锹俸及灌地之规俱照向章办理此合约共膳两张村中与渠头各执一纸立此存据以垂久远

中证人 阎储峰 阎集云

村长 王诰廷 村副 阎秉钧

经理 阎一相 王玘

渠头 渠为宪 阎裕珍 阎照中 阎晋芳 王照

中华民国七年阴二月初八日公立

附碑文 5 《南左渠水辰序》

刻碑时间：清咸丰八年（1858）

规格：高 174cm，宽 70cm，厚 17cm。

存放地点：祁县贾令镇塔寺村菩萨庙内。

碑阳

尝思率由旧章日久全凭书契而包藏法物年深必至销亡里中南左渠水辰自前朝万历末年与东阳羽村已立合约迄今二百余载契纸既将朽蠹字迹遂虑凋残兹将合约所载公议勒石以垂久远将见闻此事者即思睹此文读此文者即可明此事则旧物可以常存旧规自能常遵矣岂不懿哉岂不懿哉（合约附后）

侯铨儒学教谕恩贡生乡人董园撰

侯铨儒学训导附贡生乡人刘礼书

立合同约人东阳羽张可化塔寺村刘清等南左渠旧在东阳羽迤北开渠引水今昌源河移在塔寺村南背渠不通欲挑剜至河塔寺村刘清等阻当不容张可化情愿许以每月初一日无工水积堰灌地余日平水灌地塔寺村地许张可化挑剜并无粮价渠行五尺两堰各照地段如塔寺村再有人阻当刘清一面承当引众锹夫挑剜此约二纸各执一约如者反口稟官究治（照原底眷）

万历四十七年五月十三日立张可化刘清

署祁县正堂垣曲县正堂加五级黄批

中见人 卢万斗 薛志大 武纪

岁次戊午孟夏谷旦立

碑阴

每月水辰锹分开后

初一日独池水 初三日锹二张 初九日锹五张 十一日锹五张 十三日锹九张 十八日锹二张 二十日锹一张（单月前半日后半夜 双月后半日前半夜） 二十三日锹五张 十六日独池水（系刘氏东股）经理人姓名开后

头甲 刘廷相 刘广来 耆宾董治业

二甲 刘廷桂 九品刘璧 刘云鹤

三甲 刘旺玮 刘崇善

四甲 刘克肇 刘立山

五甲 刘立广 刘公达

六甲 刘步升 刘光昇

七甲 董治礼 刘士璞 刘廷顺

八甲 刘镛 刘质 刘雨霓

九甲 刘廷凝 刘凤狄 董照

十甲 刘廷官 刘畅升 刘广祉

乾隆四十三年 堂谕各修各渠自此遂奉行断案嗣后宜永遵旧规毋得改易

附碑文 6 [明]阎绳芳《重修镇河楼记》

原载光绪八年版《祁县志》，卷十一艺文十六。收入《祁县志》，中华书局 1999 年 10 月版，第 695—696 页。

祁之东南有麓台、上下幘诸山。正德以前树木丛茂，民寡薪采，山之诸泉汇而为盘陀水，流而为昌源河，长波澎湃，由东六支、丰泽等村经上段都而入于汾，虽六七月大雨时作，为木石所蕴，放流故道，终岁未见其徙且竭焉。以故从来远镇而及县北诸村，咸浚支渠，溉田数千顷，祁以此丰富。嘉靖初元，民风渐侈，竞为居室，南山之木采无虚岁；而土人且利山之濯濯，垦以为田，寻株尺藁必铲削无遗。天若暴雨，水无所碍，朝落于南山，而夕即达于平壤矣。延涨冲决，流无定所，屡徙于贾令南北，坏民田者不知其几千顷，湔庐舍者不知其几百区也。沿河诸乡甚苦之。是以有秋者常少，而祁人之丰富减于前之什七矣。呜呼！河之为害者有如此哉！贾令镇中街旧有楼，宣德间，镇人以斯有驿署而鼎建之壮，并峙之观也。迨嘉靖丙申，驿署迁于县城，而斯楼亦颓蔽弗振，镇人阎邦瀛、袁尚清乃倡众更修之。经始于丙辰夏六月，落成于戊午冬十月，翬飞

鸟革,金碧辉煌,巍丽实倍于前矣。然集财于众而弗私,励事于久而匪懈,二人之志亦殷矣哉。县令李公春芳喜斯楼之新也,乃名之曰“镇河”。盖以天下之势有轻重,而理有相轧,风水者之所常谈,君子亦习之而不置也。自今观之,楼其峙于北,壮主之势厚重而不迂乎;河其环于南,丽客之形悠然而循轨乎,主客既分,轻重斯别,河水泛滥之患将为楼所轧而保其必无矣。李公命名之义固冀斯民之免昏垫而复于丰富也,用心亦仁矣哉。虽然楼镇之家,文物衣冠,通今学古者济济辈出,行将陟云霄、腾事业,炫光闾里,与斯楼并高于千仞,则河水之流声又于我祁而增美矣,岂独使无冲决之害而已哉。庠生阎子邦汶、阎子铠、康子继志,以楼之再修也谒予记之,遂叙镇河之所由名而望于诸生者如此,若夫输镪协力有与于斯楼者,法得备书于碑阴云,是为记。

附碑文7 《镇河楼再修碑记》

刻碑时间:2002年9月26日

规格:高185cm,宽74.5cm,厚18cm。

存放地点:祁县贾令镇镇河楼前。

贾令,古邑也,乃帝尧后裔唐叔虞少子贾李封地,春秋时曾为晋大夫贾辛施政之所,由是得知史称久远。地当交通孔道,历有驿站之设,长街绵亘五里,沿街店铺鳞次栉比,今犹依稀可辨旧貌,足证当年客商云集盛况。明宣德间,街之南北各有楼峙立,宛然城邑气象。嘉靖十五年,洪水淹庐舍,南楼亦圯倾,镇人阎帮赢、袁尚清纠众更新,乃集财鸠工于嘉靖三十五年就原址增广,建成斯楼,即今所见规制。额曰:“永镇昌源”,拱门下原塑四天王像,盖祈风调雨顺,谷熟民丰之意,而实增一方人文胜景也。数百年历经修缮,巍然耸立,方圆州县概未见有能若此之雄伟瑰丽者。“文革”浩劫,楼亦横遭践踏,像倒椳损,匾失柱折,长期疏于管理,致蛛网尘封,虫蚀鼠啮几成危楼。一九八三年,时任镇长、书记,睹此楼之残败,遂请诸省、县多方筹款,残缺者补之,破损者固之,已见前之勒石

不赘。

公元两千年伊始,邑人袁亚英等鉴于斯楼因排水、路基等设施不全,致积水不畅,基础下陷、墙体开裂、隐患仍存,乃邀副县长李友忠敦促县文物主管部门多次勘测,并报请省、地有关部门,再次动工修复之。以李郁明为工程总指挥,杨琦、田瑞生、阎汝威、阎文威五人辅之。并聘约罗志刚、董如汤、柳扣兔为顾问。此番大修,由基座至四层楼顶几皆落架施工,柱门拱、望板、角檐、大梁、楼板、屋顶琉璃凡残损者悉更换之,历一年又六月而告竣。华构如初,更施丹彩,金碧辉煌,美轮美奂,较前更为壮观。非特壮一镇之势,亦我历史文化县之一大胜迹也。夫天下景观,维之护之则万世不朽,由之任之则遗迹难寻,能有卓识复固此五百年古建者,功莫大焉。故凡有功于斯楼者,当刻诸碑阴,永志勿忘。

本次承建者山西省晋阳古建公司,施工责任人张毅、牛跃清,工程监理高云虎。

撰文胡毓贤

贾令镇人民政府公元二零零二年九月二十六日立